

Deibid en Sol

(1 Semyul 19-24)

Ola pipul garra det plei

Storimen

King Sol

Werrimon: Spiya – shoum im boswan

Deibid

Werrimon: Hap - stakmen stick - sling o sword – koat (deigim lililbit klos)

Solja

Joanathon

Filastain king

Storimen: Yumob sabi dijan stori blanga Sol en Deibid? Wal Sol bin oldei trai blanga faindim Deibid blanga Kilim im ded, bat God bin album Deibid. Bambang na Deibid bin abum tjens bla kilim King Sol ded. Dijan na det stori.

Bambang na King Sol bin tok langa im san Jonathan en ola boswan wekinmen blanga im,

King Sol: Ai wandi kilim Deibid ded.

Ekshon: *Jonathon go langa Deibid*

Jonathan: “Main dedi garra trai en kilim yu ded. Wal yu garra wotjim miselp.”

Storimen: ⁴ Neksdei na Jonathan bin tok langa im dedi blanga Deibid, en imbin tok gudbalawei blanga Deibid,

Jonathan: “Wotfo yu wandi kilim im ded? Wal wotfo yu wandi dum dis nogudbala ting langa det gudbala men? Yu nomo garram eni risan blanga kilim im.”

Storimen: Sol bin trai blandim miselp.

Sol: “Trubala ai dalim yu. Ai kaan kilim Deibid.”

Storimen: Wal King Sol bin tjakam det spiya langa Deibid blanga trai en kilim im ded. Bat Deibid bin dodjim det spiya,

Ekshon: Deibid bin gidap, en imbin ranawei.

Sol's men bin kipun walkabout en lukaraun bla Deibid. Ola difrinwan ting bin hepin en Debid bin gidawei brom Sol.

Ekshon: Deibid en im solja olabat blandimbat miselp deya insaid langa det keib.

Storimen:¹ Bambai na wen King Sol, imbin gedim wed weya Deibid bin blandimbat miselp, langa det deset kantri gulajap langag wan taun.² Wal King Sol bin majurrumap big mob brabli gudwan Isreil solja, en imbin go lukabat Deibid en im solja olabat.³ Deibin luk keib. Wal King Sol bin gowin langa det keib.

Solja: “Wal dijan na det rait taim bla kilim Sol.”

Ekshon: Deibid bin snikap langa King Sol na, en imbin kadimof det klos lilbit brom det kout weya King Sol bin werrimbat, en King Sol nomo bin sabi Deibid bin deya gin langa im.

Deibid “Ai kaan kilim im. God bin meigim im jidan king.”*

Storimen⁷. En Deibid solja olabat bin lisin langa im, en dei nomo bin kilim King Sol.

Ekshon: Wal wen Sol bin binij, imbin kamat atsaid brom det keib redi blanga gowei,
⁸ *Deibid kamat atsaid brom det keib biyain langa King Sol.*

Deibid: “Bos!”

*Ekshon: Wal King Sol bin tenaran, en Deibid bin buldan langa graun blanga shoum rispek langa im,*⁹

Deibid: “Wal yu luk iya, lambarra. Hu blanga dijan klos? Ai bina kilim yu garram main bigwan naif. Bat aibin kadimof oni klos blanga yu. Wal yu jinggabat na. Ai kaan fait langa yu. Ai nomo wandi kilim yu. Nomeda ai nomo bin dum enijing langa yu, bat stil yu oldei lukabat mi blanga kilim mi ded.¹⁵ Wal YAWEI garra jadjim yunmi mijamet blanga faindat hubin dum rong.”

*Akshan: King Sol stat blanga krai na,*¹⁷

King Sol: “Trubala yubin tok. Yu nomo bin dum enijing rong langa mi. Bat aibin dum rong langa yu. Olataim aibin oldei tridimbat yu nogudbalawei. Bat stil yubin oldei gudbala langa mi, ¹⁸ en tudei na yubin shoum mi trubala yu gudbala langa mi, dumaji yubin gudbala langa mi. ²⁰ En ai sabi na trubala yu garra jidan king blanga ola Isreil pipul, en brom yu femili lain na ola king garra kamat.

²¹ “Wal yu garra meigim pramis nomo blanga kilim main femili olabat.”

Storimen: ²² Wal Deibid bin meigim det pramis garram King Sol, en afta King Sol bin gobek langa im ron kemp, en Deibid en im solja olabat bin gobek langa det pleis weya deibin oldei blandimbat miselp.

Binij na